

Dingh Deq Vahai

□ Vangz Gveyangh/黄桂香

Ciep bouxwnq guenj aen ban neix duenh seizgan ndeu le, gou raen boux hagseng ndaw ban Siujveij maez dwk denswj youzhi, hwnjdangz cungj baiqninz, lij mbouj gangj veiswngh, nienzgeij iqet lij hag rox cit ien gwn laeuj dem.

Gou rox, yaek son ndei Siujveij cungj hagseng miz vwndiz neix, mbouj ndaej doiq de yungh fuengfap aeu geng bungq geng. Itdingh aeu yungh fuengfap ngamjndei, ndigah gou itcig cungj ra seiz gyauyuz habngamj.

Ngoenz neix, gou baez haeuj gyaisiz couh yawjraen laj dieгнаengh Siujveij miz haujlai nyapnyaj, hoeng gou mbouj cigsoh naeuz de, gou mbouj guh sing byaij daengz aen siujcuj wnq bae, daegdaengq nyinhcaen cazyawj gwnzنامh yaep ndeu le naeuz: “Gyoengq doengzhag, cingj gak boux gag genjcaz laj dieгнаengh bonjfaenh, miz nyapnyaj couh gip hwnjdaeu, raeuz aeu bauj gyaisiz seuqset, caj lauxsae yawjyawj gizlawz cei seuq.” Gou gangj sat le, gyoengq hagseng doxcanj genjcaz seiqhenz dieгнаengh shwgeij, caemhcaiq hainduj doengh-fwngz sou gip. Yawjraen daihgya cungj sou gip, Siujveij hix laeglemx caeuq vunzlai doengzdoi hix, swnhfwngz gip gij nyapnyaj gwnzنامh, caj daihgya cungj sou gip liux le, gou bek fwngz hemq naeuz: “Ndei lo, hawj gou yawjyawj, bingzbingz yawj.” Yiengh-neix gou hainduj cunzyawj gyaisiz, cienq gvaengz ndeu le, gou daengj hwnj lwgfwngzmeh nyaenx mbouj ndaej haenh: “Daihgya cungj guh ndaej gig ndei, seizneix gyaisiz seuqset lai lo.”

Ciep roengzdaeuj, gou dawz lwgda dingzlouz youq gwnz ndang Siujveij, daegdaengq doeksaet dwk naeuz: “Gou lij siengi lai haenh Siujveij baez ndeu, aenvih gou baez daih’it yawjraen laj dieгнаengh Siujveij baenzneix seuq, maqmuengh mwngz caiq roengzrengz, seizneix hawj raeuz daihgya bekwngz dajciengj de mbat ndeu, ndei mbouj ndei?” Gou daiqdaeuz bekwngz, gyoengq hagseng caemh gig boiqhab dwk bekwngz. Siujveij coengzlaiz mbouj caengz ndaej vunzlai baenzneix haenhndei, de sim’angq dangqmaz.

Gvaqlaeng, gou raen Siujveij miz di bienqvaq lo. Seizneix cij aeu gou ngaem gyaeuj cazyawj gij gwnzنامh gyaisiz, Siujveij caeuq gyoengq hagseng ityiengh, couh gag rox bae genjcaz gij veiswngh cingzgvang seiqhenz dieгнаengh, gyaisiz ngoenz beij ngoenz seuqset caezcingq. Gienh saeh neix hawj gou rox, Siujveij yienz-naeuz miz haujlai sibgenq mbouj ndei, hoeng de hix caeuq hagseng wnq ityiengh, maqmuengh ndaej lauxsae haengjdingh caeuq haenhndei. Yienghneix daj neix dauqlaeng, gou caenhliengh cimyawj caemhcaiq aeu raen gij youhdenj de le haenhndei.

Miz baez ndeu, gou iugouz hagseng youq 30 faen cung dauqndaw boih caemhcaiq mbouj oksing raiz ok duenh vah ndeu, caezgya cungj cagaenj seizgan cunjbei, Siujveij cix gaenjgip baugau naeuz yaek bae veiswnghgenh, gou dangseiz caen cai de dwg mbouj dwg vihliux ndoj boih saw cij ra aen leixyouz neix. Aenvih bae veiswnghgenh, Siujveij beij



bouxwnq cunjbei dinj haujlai, de gingqyienz guhsat le aen yinvu caemsij. Gou seizneix cij fatyienh, yienzlaiz gij geiqsingq Siujveij baenzneix ndei. Youq ndaw godangz gou gangriu naeuz: “Siujveij doengzhag, mwngz dwg bae veiswnghgenh, boihshaw, caemsij sam yiengh hong cungj mbouj nguh ha.” Coenz vah neix lumjbaenz gangriu, gizaed dwg gij vah haenh de, yinxhwnj daengx ban angqfwngfwng riu hwnjdaeu, Siujveij hix daekieq dwk riu hwnjdaeu.

Louzsим cazyawj duenh seizgan ndeu le, gou raen gwnz ndang Siujveij miz haujlai giz “rongh” gvaq bouxwnq, lumjbaenz de yungh swzyij cau hgawq naengzlig mbouj loek, maij yindung, lij rox diuq saek di fouxgai dem.

Yienghneix gou ciuq gij dwzcangz de, doigawj le di saw rog goqdangz ndeu hawj de, gienq de bauqmingz camgya aen lanzgiuzdui yoziau, dajciengj de hag fouxgai, lij dawz di saeh ndaw ban gyau hawj de bae guh. Siujveij menhmenh souliemx le haujlai, singgwz hix bienq hailangh lai lo.

Mbouj geijlai nanz, hagseng couh yaek bizyez lizhai hagdangz lo, miz ngoenz ndeu gou liuh mbouj daengz Siujveij soengq daeuq mbaw mingzsinben ndeu, ndawde sij naeuz: “Vangz lauxsae, docih mwngz bineix gvansim caeuq bangcoengh gou, couh lumj daxmeh gou hawj gou raeujrub, mwngz dwgrengz lo, docih mwngz.”

Yawj gij vah lauxsaed simsoh neix, ndaw sim gou raeujrubrub.

Rumz fawhndat liengzsisi.


Rumz daj gizlawz daeuj ne? Dwg naengh fwjhau daj henz mbwn gyae’gyae haenx daeuj ma? Roxnaeuz dwg lumj duzroeg miz fwed, daj ndaw ndoengfaex mbin daeuj ne? Mbangjbaez dwg daj giz gou mbouj rox de, caeuq ga dah laj bya guhdoi, byaij gvaq gij roen ngutngut gozgoz de daeuj ne?

Rumz deuz lo, yawj mbouj raen de guhlawz deuz.

Gou yaek bienqbaenz raq rumz mbaeumbengq dahraix, riengz fwjhau gwnzmbwn mbin bae mbin dauq, mbin bae Haijnzandauj gyae’gyanggyang de bae, aenvih daxmeh bae baihaenx guh-hong lo. Daxmeh naeuz, Haijnzandauj ndatyanyan, lij ndat gvaq biengz raeuz bw.

Gyangngoenz, daxmeh bae gwnz ndoibya aeu yw, gou couh riengz laeng daxmeh, hoihhoih ci. Daxmeh couh naeuz, rumz neix liengzsisi bw. Hoeng daxmeh mbouj rox raq rumz neix couhdwg gou, mbouj rox lwg de hix daeuj daengz

Rumz



Haijnzandauj caemh de youq lo. Mizyinx lai lo, vuenheij lai lo.

Haeujhaemh, daxmeh dajcaemx ndei le, youq baihlaj ronghndwen langh-liengz, gou couh hoihhoih ci byoem de. Daxmeh couh naeuz, liengzsisi bw. Hoeng daxmeh mbouj rox raq rumz neix couhdwg gou, mbouj rox lwg de hix daeuj daengz Haijnzandauj caemh de youq lo. Mizyinx lai lo, vuenheij lai lo.

Langhnaeuz daxmeh raen mbwq lai, ngeix gou le, gou couh bienqbaenz vunz, ndwn youq dangqnaj de, coemj haeuj ndaw rungj de bae.

Meh couh angqvauvau baenzmaz bae, meh coj yienghneix cam dahraix: Lwg ha, mwngz guhlawz daeuj daengz Haijnzandauj lwne?

Meh ha, gou mbouj lwnh mwngz nauq, gou gag naeuz mwngz ndwi: “Mwngz gag duenz yawj vei.”

(Daj 《Bonjsei Sim Lwgnyez》 (Veiz Gizlinz raiz) senj okdaeuj, Lwg-fwngzmeh/卢奋长 hoiz)